

Vlada Kantona Sarajevo
Kantona Sarajevo
Reisa Džemaludina Čauševića 1
Sarajevo

Sindikata radnika u zdravstvu u
Kantonu Sarajevo
Obala Kulina bana 1
Sarajevo

**Komisija za tumačenje
Kolektivnog ugovora o pravima i obavezama poslodavaca i radnika
u oblasti zdravstva za područje Kantona Sarajevo**

Broj: 8/25
Sarajevo, 18.12.2025. godine

Na osnovu člana 72. stav (3) alineja 1. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo ("Službene novine Kantona Sarajevo" broj: 25/25), Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, povodom zahtjeva JU Zavod za medicinu rada Kantona Sarajevo broj: 01-1405/25 od 30.09.2025. godine kojim se traži tumačenje odredbe člana 44. stav (2) alineja 6., a u vezi sa članom 24. stav (1) tačka d) podtačka 3. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor), na 1. sjednici održanoj 18.12.2025. godine donosi

ODLUKU

Član 1.

Utvrđuje se tumačenje odredbe člana 44. stav (2) alineja 6., a u vezi sa članom 24. stav (1) tačka d) podtačka 3. Kolektivnog ugovora, kako slijedi:

Odredba člana 44. stav (2) alineja 6. Kolektivnog ugovora propisuje uvećanje osnovne plaće po osnovu posebnih uslova rada u visini od 5% za taksativno navedene poslove. Predmetna odredba definiše da se uvećanje osnovne plaće odnosi na radnike koji obavljaju određene poslove, među kojima se, između ostalog, nalaze radnici koji rade na maksilofacijalnoj i oralnoj hirurgiji na svim nivoima zdravstvene djelatnosti. Radna mjesta unutar ORL službe nisu obuhvaćena ovom odredbom.

Odredbom člana 24. stav (1) tačka d) podtačka 3. Kolektivnog ugovora izričito je obuhvaćena i ORL služba. Imajući u vidu da se radi o različitim pravnim osnovama za ostvarivanje različitih prava (uvećanje osnovne plaće po osnovu uslova rada i pravo na dodatne dane godišnjeg odmora), činjenica da je ORL služba obuhvaćena jednom odredbom ne podrazumijeva automatski primjenu druge odredbe Kolektivnog ugovora.

Shodno navedenom, odredba člana 44. stav (2) alineja 6. Kolektivnog ugovora ne odnosi se na radnike JU Zavod za medicinu rada Kantona Sarajevona - Centar za profesionalne bolesti i preventivne *preglede raspoređene na radnim mjestima „specijalista otorinolaringolog - konsultant“ i „diplomirana medicinska sestra/tehničar“*, te im ne pripada pravo na uvećanje osnovne plaće od 5%.

Poslodavac ima mogućnost da internim aktom prizna pravo na uvećanje osnovne plaće ili druga povoljnija prava u odnosu na prava propisana Kolektivnim ugovorom.

Član 2.

Ova odluka će se dostaviti podnosiocu zahtjeva, svim pravnim osobama na koje se odnosi Kolektivni ugovor, ugovornim stranama Kolektivnog ugovora i, putem Zavoda zdravstvenog osiguranja Kantona Sarajevo, privatnim zdravstvenim ustanovama koje imaju status ugovorne ustanove sa Zavodom zdravstvenog osiguranja Kantona Sarajevo.

Član 3.

U skladu sa članom 73. stav 3. Kolektivnog ugovora, ova odluka ima pravnu snagu i učinke Kolektivnog ugovora od dana stupanja na snagu Kolektivnog ugovora, te će se, u skladu sa članom 73. stav (4) objaviti u Službenim novinama Kantona Sarajevo.

Odluka stupa na snagu narednog dana od dana objavljivanja u Službenim novinama Kantona Sarajevo.

Komisija za primacenje Kolektivnog ugovora o pravima i obavezama poslodavaca i radnika u oblasti zdravlja za podruclje Kantona Sarajevo

Ivona Islamagić
Nina Delalić
Nedžad Meheljić
Sanela Malićević
Jasmin Avdović
Senad Sadiković

